



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 10. Ejusdem Myst. punct. 3.

[urn:nbn:de:hbz:466:1-60232](#)

MEDITATIO X.

*De apparitione quarta. Luc. 24.
Myst. punct. 3.*

CONG. De more.

PRÆL. I. Quomodo Christus sese ostenderit Petro cogitanti de his, quæ viderat in Sepulchro.

PRÆL. II. Videre locum in quo Petrus cogitabundus manebat.

PRÆL. III. Petere gratiam, benè quærendi, & inveniendi Christum, eique congaudandi.

PUNCTUM I. PERSONÆ. MEM. Aspiciamus Christum Petro apparentem. *Nam surrexit Dominus verè, & apparuit Simoni. Luc. 24.*

INTEL. Credibile est Dominum non apparuisse Petro in minori gloriâ, quam olim in transfiguratione. Petrus igitur, qui lugebat, eò quod Sollem Justitiæ perdidisset, tandem sic invenit plenam consolationem. REFL. In nobis non invenitur ejusmodi illuminatio & consolatio, quia luctus noster magis est de amissione & carentiâ vilis rei temporalis, quam solis justitiæ, qui est Christus.

VOL. Nos suspiremus ad solum Christum, vilipendentes cætera, & dicentes: *omnia detrimentum feci & arbitror, ut stercore, ut Christum lucrificiam.* Phil. 3. & ad Christum: *Illustra faciem tuam super servum tuum,* Ps. 30. tunc enim exclamabimus:

mus: quam magna multitudo dulcedinistuæ Domine! ibid.

PUNCTUM III. VERBA. MEM. Cogitemus quid dixerit Petrus: videndo particulam gloriæ Christi redivivi.

INTEL. Dixerat in transfiguratione: *Domine bonus es nos hic esse.* Matth. 17. Nunc etiam dicere potuit: *inveni, quem diligit anima mea, tenui eum, nec dimittam.* Cant. 3. dixerat Ancillæ: *quia non novi hominem* Matth. 26. nunc autem sicut olim iterum dicit: *Tu es Christus Filius Dei vivi.* Matth. 16. REFL. Nos quoque postquam Christus vocando nos ad societatem suam, quodammodo apparuit nobis, debemus aliter loqui, quam quando eramus in sæculari conversatione.

VOL. Imitemur Petrum, & cum Paulo 1. Cor. 13. dicamus: *cum essem parvulus, loquebar ut parvulus, sapiebam ut parvulus, cogitabam ut parvulus.* *Quando autem factus sum vir, evanescavi que erant parvuli.* Decet nos non nisi cum Deo, vel de Deo loqui.

PUNCTUM III. OPERA MEM. Recordemur quomodo Petrus cucurrerit ad monumentum, viderit linteamina posita, ac postea meditabundus super illis, viderit Christum redivivum.

INTEL. Nimirum alia non est via, videndi Christum redivivum, quam cursus ad monumentum; hoc est ad meditationem paupertatis, opprobiorum, & passionis Christi: Præmissâ tamen in prima

prima hebdomade, verâ pœnitentiâ: Nam Petru
antea, *flevit amare.* REFL. Nos hinc discamus,
quare non fiamus participes gloriæ Christi & fe-
licitatis, quia nempe, non satis cum Petro in My-
steriis primæ, & tertiaræ hebdomadæ versati sumus,

VOL. Doleamus de negligentia nostrâ, & pe-
pœnitentiam, & meditationem ac imitationem
passionis Christi, paremus nos, ut participes fa-
mus ejus gloriæ : juxta illud, quod idem Petrus
nos docuit : *Communicantes Christi passionibus
gaudete, ut & in revelatione gloria ejus, gauden-
tis exultantes.* I. Pet. 4.

PUNCTUM IV. QUID DIVINITAS. MEM. Repræsen-
temus nobis Christum apparentem Petro, qua-
lis apparuerat illi in monte.

INTEL. Petrus, quamvis à longè Dominum in
passione secutus fuerit, vidi tamen quando divi-
nitas se abscondebat, & permittebat Christum ca-
pi, ligari, opprobriis saturari &c. nunc autem vidi
divinitatem tot signis & miraculis se prodentem.
Hinc illæ ipsius voces: *Deus & Pater... regenera-
vit nos in spem vivam per resurrectionem Jesu
Christi ex mortuis, in hereditatem incorruptibi-
lem. &c.* I. Pet. 1. REFL. Eandem spem vivam
oportet nos quoque habere.

VOL. Excitemus fidem & spem cum Christo
conregnandi, & hac spe roboremus nos, dum in
hac vitâ permittit nos Deus aliquid pati.

PUN-

FEB 70

PUNCTUM. V. SOLATIUM IN HAC VITA. MEM.
Recolamus totam seriem rei gestæ, de quâ
meditamur.

INTEL. Perpendamus, quomodo Christus con-
solatus sit Petrum : primum quidem per Mulieres
adeum missas, deinde per inspectionem lnteami-
num absente corpore; denique per seipsum. REFL.
Sic Deus per intervalla, & gradus quosdam nos
quoque consolatur.

VOL. Laudemus Deum, qui est *Pater misericor-
diarum, & Deus totius consolationis*; qui conso-
latur nos in omni tribulatione nostra: ut possimus,
& ipsi consolari eos, qui in omni pressurâ sunt. 2.
Cor 1. Gratias Deo agamus ingenti affectu.

COLLOQ. Per quæ petamus fortitudinem pa-
tiendi, nixam spe gaudendi cum Christo

RECOLLECTIO. REPETITIO. APPLICATIO SENSUUM,

MEDI-